

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 50. Statuta Općine Novo Sarajevo ("Službene novine Kantona Sarajevo", br. 14/04) načelnik Općine Novo Sarajevo, dana 12. septembra 2013. godine, verificirao je i donio

ODLUKU O KOREKCIJI

REGULACIONOG PLANA "PARK - ŠUMA HUM" (Objekti u ulici Zahira Panjete)

Član 1.

Usvaja se korekcija Regulacionog plana "Park - šuma Hum" (u daljem tekstu: korekcija Plana).

Član 2.

Korekcijom Plana usklađuje se usvojeni Plan sa situacijom na terenu, odnosno uctavaju se postojeći stambeni objekti, a planirana rekonstrukcija ulice Zahira Panjete se usklađuje u odnosu na uctane predmetne postojeće objekte.

Član 3.

Korekcija Plana sastoji se iz tekstualnog dijela i grafičkog priloga sa uctanim postojećim objektima. Tekstualni dio i grafički prilog korekcije Plana su sastavni dio Regulacionog plana "Park - šuma Hum" ("Službene novine Kantona Sarajevo", broj 23/09).

Član 4.

Korekcija Plana je rađena za fazu urbanizma i saobraćaja, a obzirom da nije zahtjevala promjene u ostalim fazama Plana, korekcija Plana je usaglašena sa Idejnim rješenjima koja su sastavni dio Izmjena i dopuna Regulacionog plana "Park - šuma Hum" ("Službene novine Kantona Sarajevo", broj 23/09).

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za oblast prostornog uređenja i urbanizma Općine Novo Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1592/12
12. septembra 2013. godine

Načelnik
Općine Novo Sarajevo
Nedžad Koldžo, s. r.

ZAVOD ZA PLANIRANJE RAZVOJA KANTONA SARAJEVO

KOREKCIJA

REGULACIONOG PLANA "PARK-ŠUMA HUM" (Objekti u ulici Zahira Panjete)

Direktor
Hamdija Efendić, s. r.

Sarajevo, februar/veljača 2013.
godine

Nosilac pripreme plana: Načelnik Općine
Novo Sarajevo
Nedžad Koldžo, s. r.

Nosilac izrade Plana: Zavod za planiranje razvoja
Kantona Sarajevo

Koordinator
Sektora za provedbenu
Plansku dokumentaciju i
stručna mišljenja: Stanislava Marinović, dipl.ing.
arh., s. r.

Odgovorni planer: Mirza Rustempašić, dipl.ing.
arh., s. r.

Odgovorni planer
faza saobraćaj: Aida Beširević, dipl. ing. grad.,
s. r.

UVOD

Regulacioni plan "Park - šuma Hum" je usvojen i objavljen u "Službenim novinama Kantona Sarajevo", br. 23/09.

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik Općine Novo Sarajevo je pokrenuo inicijativu za korekcijom navedenog Plana aktom broj 02-23-1592/12 od 03.01.2012., a u cilju stvaranja preduvjeta za usklađivanje usvojenog Plana sa situacijom na terenu, odnosno unošenje postojećih stambenih objekata u ulici Zahira Panjete u Plan, te usklađivanje planirane saobraćajnice u odnosu na predmetne objekte. Predmetni objekti se nalaze iznad groblja "Obad", te je za izradu predmetne korekcije pribavljena i Saglasnost KJKP "POKOP" d.o.o. Sarajevo, br: 1539/12 od 13.12.2012. godine.


IZVOD IZ REGULACIONOG PLANA "PARK - ŠUMA HUM"

Prostor Park-šume Hum obuhvata površinu od 233,10 ha. Ovaj Plan ulazi prostorno u četiri Opštine Kantona Sarajevo: Centar, Novo Sarajevo, Novi Grad i Vogošća.

Prema planiranoj namjeni površina unutar granica Regulacionog plana "Park šuma Hum", lokalitet na koju se odnosi predmetna Korekcija Plana nalazi se u Zoni individualnog stanovanja, i na uslovno stabilnom terenu (US), a na južnoj strani graniči sa grobljem Obad, koje se nalazi u namjeni Mezarja i groblja.

KOREKCIJA REGULACIONOG PLANA "PARK - ŠUMA HUM"

Korekcija Regulacionog plana "Park - šuma Hum" odnosi se na usklađivanje usvojenog Plana sa situacijom na terenu, odnosno unošenje postojećih stambenih objekata i usklađivanje planirane rekonstrukcije ulice Zahira Panjete u odnosu na predmetne objekte. Ulica Zahira Panjete je ujedno i granica Regulacionih planova "Park - šuma Hum" i "Pofalići", te je zbog toga urađena i Korekcija RP "Pofalići". Lokalitet na koju se odnosi predmetna Korekcija Plana nalazi se u Zoni individualnog stanovanja, i na uslovno stabilnom terenu (US), a na južnoj strani graniči sa grobljem Obad, koje se nalazi u namjeni Mezarja i groblja.



ZAVOD ZA PLANIRANJE I ARHITEKTURU KANTONA SARAJEVO
182/1

